

ITEM KE NDITORO ABASI

Psalm 33:1-22; 148:1-14; 149:1-9; 150:1-6

QYQHỌ UKPEP-ŊKPỌ 31

Eke Mkparawa

IKỌ IBUOT: “Yak kpukpru ŋkpọ eke eduokde ibifik etoro Jehovah, Mbufo etoro Jehovah”
(Psalm 150:6).

Enye Emi Kpukpru Edidiọ́n Etode

“Mbufo nti owo, edara Jehovah,” ekedi isọ́n ikọ́ ke ekese mme Psalm. Itoro Abasi ama ewere ọ́wọ́rọ́ ke esit ye mkpọ́k-inua andiwet Psalm, ukem nte okpotode ọ́wọ́rọ́ ke eke kpukpru nditọ́ Abasi. Enye ama ọ́kọ́m Abasi ke mme ikpọ́ utom Esie, ke mme ikpọ́ enọ́ Esie, ye mbọ́m Esie ke abańa owo. Enye akada ofuri odudu esie ọ́kọ́m Abasi; onyụń ọ́nọ́ mmọ́ efen item ete ediana ye imọ́ ke ndidara, idighe ndinen owo ikpọ́ń, edi kpukpru owo: “Ndidem ererimbot, ye kpukpru mme idut; mbọ́ń; ye kpukpru mme ebierikpe ererimbot. Mkparawa, ye nditọ́-iban; ńkani iren, ye nditọ́wọ́ń” (Psalm 148:11, 12). Andiwet Psalm ikebetke tutu enye ọ́bọ́ mme edidiọ́n oto Abasi mbemiso enye ọ́nọ́ ekọ́m, edi enye akadara koro “Ọ́fọ́n ndikọ́m Jehovah” (Psalm 92:1).

Kpukpru utom obot ebuana nditoro Abasi, nnyin ndien emi ibode ikpọ́ edidiọ́n Esie, ekenyụń ewotde Eyen-erọ́ń Abasi ke ntak nnyin, ikpotoro Enye adańa didie. “Mme heaven ke ebuk ubọ́ń Abasi, ikpa-enyọ́ń onyụń etiń se ubọ́k esie anamde (Psalm 19:1). Job etiń ọ́nọ́ nnyin abańa mme ntantafioń usen-ubọ́k nte “ekwode uyo kiet” ke eritọ́ń ererimbot. Mme ewet uto esiwak ndibup ete “Nso ke mbufut mmọ́ń edọ́họ́?” Mmọ́ ke ekwọ́ itoro enọ́ Abasi Andibot mmọ́, “Yak enyọ́ń ye isọ́n etoro enye, yak inyań ye kpukpru se isańade ke esit” (Psalm 69:34). “Yak mme akpa mmọ́ń ekwak ubọ́k: yak ikpọ́ obot ekwọ́ ọ́tọ́ kiet” (Psalm 98:8). “Ikpọ́ obot, mbufo ebumere ekwọ́; mbufo akai, ye kpukpru eto emi edude ke esit” (Isaiah 44:23).

Ima Abasi

Nnyin ikwọ́ itoro inọ́ Abasi koro nnyin imade Enye. Edieke itoro miduhe ke esit nnyin, ima Abasi iduhe do ńko. Ke ini Jesus odukde edi, kpukpru ŋkpọ́ ke abańa nnyin etie nte ekpuhọ́re:

“Utin ke enyọ́ń akayama eti,

Eketie nte ikwọ́ mme inuen enem ekan;

Ofuri isọ́n ema enyene obufa uyai,

Ke ini enyin mi okokutde Edidem.”

Ke ini nnyin idide nditọ́ Abasi, nnyin idomo ndinem Enye esit; ndien nnyin ikopke ndik ke ini Enye esede mme edinam nnyin. David ọ́kọ́dọ́họ́ ete, “Uyuhọ́ idaresit ke iso fo” (Psalm 16:11). Eyen ntututọ́ń eyenyene ubiom-ikpe eyenyụń odomo ndidibe ke iso Abasi; edi idara odu ke ńkop-item: “Mmama ndinam se afo amade, O Abasi mi, mbet fo enyụń edu mi ke esit” (Psalm 40:8). Peter etiń ọ́nọ́ nnyin ete ke nnyin idara “ye idaresit eke ayańade owo nditiń onyụń ọ́yọ́họ́de ye ubọ́ń” (1 Peter 1:8).

Mme ọ́fiọ́k-ńkpọ́ owo enam mme utibe ńkpọ́ man edomo ndinam owo okop inemesit, utu ke oro mme owo ekabare enana uyuhọ́ ekan. Ediwak ńkpọ́ emi ekenamde ndida ńńwam owo emekabare edi ńkpọ́ eke edade esobo owo. Ekpri se owo anamde, mme enyenede, ekeme ndinam enye enyene inemesit. Efiọ́k ndusuk ata mbon inyene nte mmọ́ emi edude ke ọ́kpọ́sọ́ń mfina.

Anditọ́ńọ́ Idara Ye Emem

Ke Abasi ikpọ́ń ke ekeme ndinyene ata inemesit, emi onyụń enyene kpukpru owo ke mfọ́n. Ata akpatre ubuene, ata usuhọ́re ofin, ekeme ndinyene emem Abasi ke esit esie ukem nte owo emi kpukpru ŋkpọ́ inemesit uwem emi akande enye okuk. Etiń enọ́ nnyin enye emi edide owo inemesit: “Ọ́fọ́fọ́n ọ́nọ́ owo eke Abasi Jacob edide andińwam enye, eke odoride enyin ke Jehovah Abasi esie” (Psalm 146:5).

Anam-idiọ́k ekededi eke etienede Jesus ye ńkabaresit ndien efen mme idiọ́k-ńkpọ́ esie, ọ́bọ́ idara erinyańa Christ. Ọ́bọ́ń obiomore mbiomo esie onyụń ọ́nọ́ enye ikwọ́. “Onyụń esin mi obufa ikwọ́ ke inua, kpa itoro Abasi nnyin” (Psalm 40:3). Ikwọ́ ododu ke esit eyen Abasi kpukpru ini, kpa ke idem ini “idiọ́k enyọ́ń.” Baba ndutime, mme eńwan ke ańwa, ikemeke ndinyeńe ntọ́tuńọ́ emem oro ke esit owo emi etienede Abasi. Ikwọ́ oro ododu do kpukpru uwemeyo ye okoneyo: “Jehovah owut ima esie ke uwemeyo, ikwọ́ esie onyụń odu ye ami ke okoneyo” (Psalm 42:8). “O, mme ikwọ́ oro ke okoneyo esọ́ń urua didie!”

Ini Nditoro Abasi

Abasi oyoyom nditọ́ Esie etoro Enye kpukpru ini. Enọ́ nnyin item ke Mme Hebrew 13:15 “Yak nnyin iwa uwa ekọ́m inọ́ Abasi kpukpru ini ke enyiń Jesus, kpa mfri mkpọ́k-inua eke ekponode enyiń Esie.” Ke 1 ńwed

Thessalonica 5:16-18, nnyin ikot: “Edat esit kpukpru ini; ekudop akam; enọ ekọm ke kpukpru ńkpọ; koro emi edi se Abasi amade mbufo enam ke Christ Jesus.”

Imeti ke ini Paul ye Silas ekedude ke ufọk-ńkpọkọbi, ukot mmọ ke ebuka, iyip ke ọwọrọ mmọ ke edem sia ekemiade mmọ ọkpọsọń, mmọ ema esuk ekeme ndikwọ itoro nnọ Abasi. Mmọ ema ewut ete mmimọ imotim ima Abasi koro mmọ ekedarade ndibọ ufen ke ntak Christ. “Edieke imede ime, iyeda ubọń ye Enye” (2 Ẹwẹd Timothy 2:12). Paul ama odu ke ufọk-ńkpọkọbi mbon Rome ke ediwak isua, edi idem ikememke enye, enye ikonyuń itreke itoro ke esit esie. Ke ini enye okodude do enye ama ewet ọnọ mbon Philippi ete “Edat esit ke Ọbọń kpukpru ini; nyetọń ntak ndọhọ, Edat esit” (Ẹwẹd Mbon Philippi 4:4). Kudat esit ke ini inemesit ikpọń, edi dat esit kpukpru ini.

Habakkuk ama ewet ete “Koro eto fig midiseheke, baba mfri midinyuń iduhe ke mme vine: mbuńwum olive eyenyuń okpu, ińwań idinyuń idukke udia; ńkpri ufene eyetre ke ebiet ufene, baba enań kiet idinyuń iduhe ke ufọk enań. Ndien ami nyedara Jehovah, nyebre mbańa Abasi erinyańa mi.” Habakkuk ama ekeme nditoro Abasi kpa ke ini eke ńkpọ ọdiọkde. Mbuńwum ama okpu, edi enye okosuk enyenyene ima Abasi ke esit esie emi akanamde enye okop inemesit. Enye ama aka iso etiń ete “Jehovah Ọbọń edi odudu mi, enye eyenam ukot mi ebiet eke edop, onyuń anam mi nsańa ke edikoń ebiet mi” (Habakkuk 3:17-19). Ndinam ukot esie ebiet “eke edop” ọwọrọ ete ke Abasi ama esin “usọp” ke ikpat isań esie.

Mme Akam Emi Ebọrọde

Ke idide ke iso Abasi ndibeńe mme edidiọń Esie, Enye oyom nnyin idi ye itoro ke esit nnyin. “Ekutimere esit ke baba ńkpọ kiet, edi ke kpukpru ńkpọ, esańa ye akam ye mkpe-ubọk ye ekọm, esian Abasi se mbufo eyomde” (Ẹwẹd Mbon Philippi 4:6). Abasi ndien eyebọrọ akam. Nditọ Israel ema eyarade emi ke ini Akani Ediom. Ke ini ndusuk mme ńkan-ńkuk idut ekekade ekọń ye mmọ, mmọ eketoro Abasi ndien Abasi ańwam mmọ. “Ekem adańemi mmọ etọńode ikwọ ye itoro, Jehovah anam mbon-udibe ebine nditọ Ammon, ye Moab ye eke obot Seir, emi ekedide ekọń ye Judah; ndien mmọ esuana (2 Chronicles 20:22).

Imokot ibańa ekọm emi okodude ke esit mkpọsọń owo ke Ẹwẹd Abasi, edi nnyin imenyene ntak emi okponde akan nditoro Abasi. Mme Anditiń ntin-nnim-ikọ ekeyoyom ndikut usen nnyin ke ini Ukperedem Edim edidepde. Joel ama etiń ete “Edara Jehovah Abasi mbufo; koro enye ọnọde mbufo akpa edim nte enende, onyuń anam akpa edim ye akpatre edep ọnọ mbufo, kpa nte eke akpa” (Joel 2:23). Nnyin emi ibọde uduọk-mmọń Edisana Spirit imenyene Spirit ke esit nnyin emi ke ini ke ini awade uwa ekọm ọnọ Abasi. Nnyin idi mme ntiense Abasi, “ubon eke emekde, edi mme oku edidem, edi edisana obio, edi ikọt eke Abasi onimde ọnọ Idem Esie,” man mbufo eka eketańa mme utibe erinam Esie, emi okokotde mbufo osio ke ekim, esin ke utibe uńwana Esie (1 Peter 2:9).

Etoro Enye!

Ke mme akpatre ibuo ita ke Psalm, andiwet Psalm ada ikwọ itoro esie okosim utit. Enye okot mme angel, utin, ọfiọń ye mme ntantafiọń, mme utom obot, kpukpru owo ke ererimbot, mme unam ke esit ikọt, kpukpru se Abasi okobotde, ete etoro Abasi. Etoro Enye ke kpukpru ebiet; Eda kpukpru ńkpọ ikwọ etoro Enye; Etoro Enye ke usuń ekededi, ekam etoro Enye! Enye etre ye “yak kpukpru ńkpọ eke eduọkde ibifik etoro Jehovah. Mbufo etoro Jehovah” (Psalm 150:6).

MME MBUME

- 1 Anie ekewet mme Psalm?
- 2 Nọ ntak ita emi ekpetorode Abasi ke ufọk-Abasi.
- 3 Siak usuń ita nte ekpenamde emi.
- 4 Nte enim editoro Abasi enọ ibat-ibat owo?
- 5 Ewe eneńere edi akpan ini ndidara ndinyuń ntoro Abasi?